

妙臂印幢陀罗尼经一卷

大乘五大部外重译经

妙臂印幢陀罗尼经一卷

唐于阗国三藏实叉难陀译

妙臂印幢陀罗尼经

如是我闻。一时佛在鸡罗娑山诸兽依处妙宫殿中。与大比丘众千二百五十人。又与无量菩萨摩訶萨俱。文殊师利法王子而为上首。靡不皆如童子之形。并贤护等十六丈夫。

尔时世尊以正念智。为诸天演说法要皆令欢喜。时大梵王及诸天龙夜叉乾闥婆阿修罗迦楼罗紧那罗摩睺罗伽人非人等。各起合掌前白佛言。世尊有诸众生。由造种种罪恶业故。应堕地狱饿鬼畜生。阎魔罗界备受众苦。唯愿世尊大悲。为说除灭如是苦恼方便。令彼众生皆得解脱诸恶道难。时观自在菩萨摩訶萨。复与无量持咒大仙前后围绕。顶礼佛足白言世尊。惟垂愍念以善方便救诸世间。佛言善男子。有陀罗尼名妙臂印幢。若能常念诵习思惟。速得除灭五无间罪。富贵安乐大姓家生。尔时世尊即说咒曰。

怛侄他迦(居伽反下同)啰迦啰(一)枳利枳利句噜句噜(三)娑啰娑啰(四)徙唎徙唎(五)苏噜苏噜 萨婆佛陀阿婆卢枳帝(七)陀啰陀啰(八)达摩阿婆卢枳帝(九)蔗啰蔗啰(十)僧伽阿提瑟耻帝(十一)跋啰跋啰(下啰字长声)阿佞迦(十二)佛陀俱胝瑟低(十三)[打-丁+親](初覲反)那[打-丁+親]那(十四)萨婆阿跋啰那(去声)儼寐(十五)萨婆毒佉阿婆那(去声)耶(十六)勃囉多勃囉多(十七)侄晒多侄晒多(十八)怛吒(搥迦反)怛吒(十九)萨普吒耶(余河反)萨普吒耶(二十)萨婆阿跋啰那阿播耶(二十一)突揭帝宁(二十二)苏婆呵(二十三)

善男子此陀罗尼。恒河沙等诸佛所说。阿难佛世难遇人身难得。受持此咒转复为难。善男子我念往昔。毗婆尸佛次第乃至迦叶如来。咸为我说此陀罗尼。普欲安乐诸众生故。于诸佛所皆亲听受。尔时世尊说此咒已。观自在菩萨摩訶萨等。及天龙八部一切众会。闻佛所说皆大欢喜信受奉行。